



# NOTARSKA KOMORA FEDERACIJE BOSNE I HERCEGOVINE

## POZIV ZA DOSTAVU RADOVA ČASOPIS „NOTAR“

Časopis „Notar“, glasilo Notarske komore Federacije Bosne i Hercegovine, poziva autore da dostave svoje naučne i stručne radove iz oblasti privatnog prava i relevantne notarske i sudske prakse, kao i drugih srodnih pravnih disciplina.

Cilj časopisa je unapređenje stručne i naučno-istraživačke djelatnosti, promocija najbolje prakse u radu notara i jačanje pravne sigurnosti u Bosni i Hercegovini.

Časopis objavljuje naučne i stručne radove, prikaze, osvrte i priloge iz pravne i notarske prakse, kao i stručne analize relevantnih pitanja od značaja za notarsku profesiju i pravni sistem.

Pozivamo autore iz akademske zajednice, notarske i drugih pravničkih profesija da svojim radovima doprinesu razvoju pravne nauke, unapređenju notarske službe i jačanju pravne sigurnosti.

Dostava radova: [casopis@notari.ba](mailto:casopis@notari.ba)

Rok za dostavu radova: 15.05.2026. godine

***Zajedno gradimo suvremeni pristup privatnom pravu i jačamo kulturu prave izvrsnosti!***

***Notarska komora Federacije BiH***

## -Upute autorima-

Glasilo Notarske komore Federacije Bosne i Hercegovine, časopis „Notar“ objavljuje radove iz oblasti notarskog prava, građanskog i drugih srodnih pravnih disciplina.

**Cilj** časopisa je unapređenje stručne i naučno-istraživačke djelatnosti u oblasti notarskog prava, kao i promocija najboljih praksi u radu notara i unapređenje pravne sigurnosti u Federaciji Bosne i Hercegovine, Bosni i Hercegovini.

### Struktura časopisa

Časopis „Notar“ objavljuje naučne i stručne radove, prikaze, te priloge iz notarske i građanskopravne prakse. Struktura časopisa obuhvata sljedeće rubrike:

1. **Naučni i stručni radovi** – Originalni naučni i stručni članci iz oblasti notarskog prava, građanskog prava, trgovačkog, obligacionog i nasljednog prava, te drugih srodnih disciplina.
2. **Prikazi i osvrti** – Analize i prikazi novih zakonskih rješenja, sudske i notarske prakse, te relevantne stručne i naučne literature.
3. **Pitanja i odgovori iz notarske i građanskopravne prakse** – Stalna rubrika posvećena praktičnim pitanjima sa kojima se notari, sudovi i drugi pravni profesionalci susreću u radu, sa stručnim objašnjenjima i primjerima rješavanja konkretnih situacija.
4. **Prikazi knjiga, skupova i stručnih događaja** – Prikazi novih pravnih publikacija, stručnih skupova, seminara i drugih aktivnosti relevantnih za notarsku profesiju.

### Tehničke upute za autore

Radovi se dostavljaju u elektronskoj formi na bosanskom, hrvatskom, srpskom ili engleskom jeziku. Svi radovi moraju biti napisani u programu *Microsoft Word*, font *Times New Roman*, veličina 12 pt, prored 1,5, margine 2,5 cm sa svih strana. Naslovi se pišu podebljano, bez podvlačenja. Fusnote se koriste za objašnjenja i reference, a citiranje se vrši prema uputama redakcije časopisa.

Svi radovi podliježu dvostruko slijepom recenzijskom postupku. Redakcija zadržava pravo da izvrši manje lektorske i tehničke korekcije, uz zadržavanje autorskog stila i smisla teksta.

### Obim i vrste priloga

- Naučni i stručni radovi: u pravilu do 10.000 riječi (uključujući fusnote, tabele, prikaze i literaturu).
- Prikazi knjiga/skupova, osvrti i ocjene, sudska praksa, prilogi notarske prakse: do 2.000 riječi.

Uredništvo zadržava pravo da, iznimno, objavi i radove izvan navedenog obima, kada je značaj za teoriju i praksu naročito izražen.

## Tehničke smjernice i dostavljanje fajlova

- Rukopisi se dostavljaju u MS Word formatu (.doc ili .docx).
- Posebno dostavite: (1) Anonimizirani rukopis (bez identifikatora), (2) Naslovnu stranu sa imenom i prezimenom autora/ica, akademskim zvanjem, institucijom, funkcijom (ako je primjenjivo), ORCID-om (preporučeno), kontakt e-mailom i kratkom biografijom (do 80 riječi).
- *Font Times New Roman* 12, prored 1,5; margine standardne (2,5 cm).
- Fusnote: *Times New Roman* 10, format „Footnote“.
- Naslovi i podnaslovi numeracija: 1., 1.1., 1.2. itd.
- Tabele i slike označiti kontinuirano (Tabela 1, Slika 1) s izvorom; slike dostaviti i kao posebne datoteke visoke rezolucije (JPEG/PNG).
- Ako je tekst na engleskom, na kraju dodati naslov i sažetak na bosanskom/hrvatskom/srpskom.

## Struktura rada

- Naslovna strana (odvojena datoteka): ime i prezime autora/ica, institucija, funkcija, ORCID (preporučeno), e-mail.
- Naslov rada (b/h/s) i naslov rada (engleski).
- Sažetak i ključne riječi (do 200 riječi) – b/h/s.
- Abstract and keywords (do 200 riječi) – engleski.
- Uvod.
- Glavni dio rada (strukturiran podnaslovima).
- Zaključak (min. 300 riječi) – b/h/s.
- Conclusion (min. 300 riječi) – engleski.
- Literatura / Bibliografija.

## Etičke smjernice

- Rukopis mora biti originalan, neobjavljen i nije istovremeno upućen drugom izdavaču.
- Obavezno navođenje finansijske podrške i eventualnih sukoba interesa.
- Preporučuje se navođenje ORCID identifikatora.
- Upotreba alata zasnovanih na vještačkoj inteligenciji (AI) mora biti transparentno navedena; autori snose punu odgovornost za sadržaj.

## Pravila citiranja (fusnote)

Citiranje se vrši isključivo u fusnotama, a stil mora biti jedinstven kroz cijeli rad. Poslije fusnota, na kraju rada, navodi se konsolidirana lista literature (po abecedi prezimena autora).

### **Knjige:**

- Knjige sa jednim autorom:

Karanikić Mirić, M., *Obligaciono pravo*, drugo izdanje, JP "Službeni glasnik", Beograd, 2024. p. 258.

Povlakić, M., *Trasnsformacija stvarnog prava u Bosni i Hercegovini*, Pravni fakultet Univerziteta u Sarajevu, Sarajevo 2009. p 88.

- Knjige sa dva ili tri autora:

Bikić, E., Suljević, S., *Nasljedni pravo*: Planjax Group – Knjižarska kuća Planjax komerc Tešanj, 2014. p. 58.

Gavella, N., Belaj, V., *Nasljedno pravo*, Narodne novine, Zagreb 2008. p. 180.

- Knjige sa više od četiri autora:

Bikić, E. et al., 2013. *Notarsko parvo, Deutsche Gesellschaft fur Internationale Zusammenarbeit (GIZ) GmbH, Sarajevo, p.159*

### **Poglavlje u knjizi:**

- Ivančin, A. Jedinstveno digitalno tržište. U: Čapeta, T., Goldner Lanng, I., *Pravo unutarnjeg tržišta Europske Unije*, Narodne novine, Zagreb 2021. p. 276

### **Elektronski izvori:**

- Kunda I., *Uredba Rim II: ujednačena pravila o pravu mjerodavnom za izvanugovorne obveze u Europskoj uniji*, Zbornik Pravnog fakulteta Sveučilišta u Rijeci, 2/2007, 1269-1324, [http://hrcak.srce.hr/index.php?show=clanak&id\\_clanak\\_jezik=39805\(10.10.2025\)](http://hrcak.srce.hr/index.php?show=clanak&id_clanak_jezik=39805(10.10.2025))

### **Naučni i stručni rad u zborniku ili zbirci radova:**

- Vranić, Dž., *Izazovi umjetne inteligencije i prava djeteta*, Pravna misao 7-8/2025. p. 20
- Mulabdić, S., *Pobude za zaključenje ugovora*, Domaća i strana sudska praksa, Godina XXII broj 104., 2025. p. 48

### **Propisi**

Propise u radu autor navodi pod njihovim punim nazivom; zatim navodi glasnik u kojem je propis objavljen, a poslije zarezom broj i godina objavljivanja. Ukoliko će navedeni propis biti citiran ponovo, prilikom prvog pominjanja poslije crte treba navesti skraćenicu pod kojom će propis dalje biti korišten.

Primjer: Zakon o obligacionim odnosima – ZOO, „Službeni list SFRJ“, br. 29/78.

Ukoliko je propis izmijenjen i dopunjen, brojevi i godine objavljivanja izmjena i dopuna trebaju biti navedeni sukcesivno. Primjer: ZOO, „Službeni list SFRJ“, br. 29/78, 39/85, 46/85, 45/89, 57/89, „Službeni list RBiH“ br. 2/29, 13/93, 13/94 i Službene novine Federacije Bosne i Hercegovine br. 29/03. 2

### **Sudske odluke**

Navođenje sudskih odluka treba da sadrži što potpunije podatke (vrsta i broj odluke, datum kada je donesena publikacija u kojoj je eventualno objavljena).

Primjer: Vrhovni sud BiH, br. Rev-271/90, od 22.III.1991. Bilten Vrhovnog Suda BiH, br. 1991/2, Novinsko-izdavačka organizacija Službeni list SRBiH, Sarajevo 1991.

### **Strani pojmovi i internet stranice**

Strani pojmovi, latinske izreke i internet stranice trebaju biti napisani kurzivom. Citiranje tekstova sa interneta treba da sadrži naziv citiranog teksta, adresu internet stranice i datum posljednjeg pristupa stranici. Članci i knjige koje su korištene preko interneta, iako su bile dostupne u punom tekstu u kojem su i objavljene dodatno se navode sa elektronskom adresom, i datumom zadnjeg pristupa u zagradi. Wikipedia i slične internet enciklopedije ne mogu se smatrati naučnim izvorima.

Primjer: European Commission, The Proposal for a Directive on Consumer Rights: Impact on Level of National Consumer Protection, [http://ec.europa.eu/consumers/rights/docs/comparative\\_table\\_en.pdf](http://ec.europa.eu/consumers/rights/docs/comparative_table_en.pdf) (09.02. 2010.)

Čak i ako internet izvor biva naveden nakon tačke, prvo slovo je malo (malo "h" od "http"), a na kraju ne trebaju biti stavljeni znakovi interpunkcije, kako ne bi došlo do pretpostavke da je znak interpunkcije dio internet adrese. Ukoliko internet adresu biva prebačena u drugi red, do prekida treba doći prije tačke, zareza, crte, upitnika, crtice, znaka postotka, jednakosti ili broja, ali poslije kose crte, bilo jednostruke ili dvostruke.

### **Autorska prava i licenca**

Autori zadržavaju autorska prava i daju Notarskoj komori FBiH neekskluzivnu licencu za objavljivanje, distribuiranje i indeksiranje rada (print i online). Dozvoljeno je postavljanje rada u repozitorij institucije uz navođenje prvog mjesta objave (časopis Notar, godina, broj, stranice).

### **Dostavljanje priloga**

Radove i korespondenciju dostaviti elektronskim putem na adresu: [casopis@notari.ba](mailto:casopis@notari.ba)